



একেই কি বলে সভ্যতা?

(প্রহসন) ১



শ্রীমাইকেল মধুসূদন দত্ত


প্রণীত ।

দ্বিতীয়বার মুদ্রিত ।

কলিকাতা ।

শ্রীযুত ঈশ্বরচন্দ্র বসু কোং বহুবাজারস্থ ১৮২ সংখ্যক ভবনে
ক্যান্‌হোপ বস্ত্রে যন্ত্রিত ।

সন ১২৬৯ সাল ।



নাট্যোল্লিখিত ব্যক্তিগণ ।



কর্ত্ত। মহাশয়

নব বাবু

কালী বাবু

বাবাজী

ঐবদানাথ

গৃহিনী

প্রসন্নময়ী

ছরকামিনী

নৃত্যকালী

কমলা

পরোধরী


নিতম্বিনী

খেমটাওয়ালী

বাবুদল, মারজন, চৌকিদার, যন্ত্রীগণ, খানসামা, বেহারা, দরওয়ান, মালী, বরকওয়াল, মুটিয়াছয়, মাতাল, বারবিলাসিনী-
ছয় ইত্যাদি ।

একেই কি বলে সত্যতা?

(প্রহসন)।



প্রথমাক্ষ।

প্রথম গভাক্ষ।

মুদ্রাপা

নবকুমার বাবুর গৃহ।

নবকুমার এবং কালীনাথ বাবু—আসীন।

কালী। বল কি?

নব। আর ভাই বলবো কি। কর্তা এত দিনের পর হুন্দাবন হতে ফিরে এসেছেন। এখন আমার আর বাড়ী থেকে বেরনো ভার।

কালী। কি সর্কনাশ! তবে এখন এর উপায় কি?

নব। আর উপায় কি? সভাটা দেখি এবলিশ্ কত্তো হলো।

কালী। বাঃ, তুমি পাগল হলে না কি? এমন সভা কি কেউ কখন এবলিশ্ করে থাকে? এত তুফানে নৌকা বাঁচিয়ে এনে, ঘাটে এসে কি হাল্ ছেড়ে দেওয়া উচিত? যখন আমাদের সবস্কিপ্সন্ লিফ্ট অতি পুরন ছিল, তখন

আমরা নিজে থেকে টাকা দিয়ে সভাটি সেভ করেছিলাম, এখন—

নব। আরে ও সব কি আমি আর জানিনে, সে তুমি আমাকে আবার নতুন করে বলতে এলে ? তা আমি কি ভাই সাধ করে সভা উঠিয়ে দিতে চাচ্ছি ? কিন্তু করি কি ? কর্তা এখন কেমন হয়ে-চেন যে দশ মিনিট যদি আমি বাড়ী ছাড়বু হই তা হলে তখনি তত্ত্ব কয়েন। তা ভাই, আমার কি আর এখন সাহায্য এটেও দেবার উপায় আছে। (দীর্ঘ নিশ্বাস)।

কালী কি উৎপাত ! তোমার কথা শুনে, ভাই, গলাটা একবারে যেন শুথিয়ে উঠলো। ওহে নব, বলি কিছু আছে ?

নব। হু! অত চেঁচিয়ে কথা করে না, বোধ করি একটা ব্রাণ্ডি আছে।

কালি (মহর্ষে) জরু দি থিং। তা আনো না দেখি।

নব। রমো দেখ্চি। (চতুর্দিক অবলোকন করিয়া) কর্তা বোধ করি এখনো বাড়ীর ভিতর থেকে বেরোন নি। (উচ্চস্বরে) ওরে বোদে।

নেপথ্যে। আজে ঘাই।

কালী। আজ রাতে কিন্তু, ভাই, একবার তোমাকে যেতেই হবে। (স্বগত) হাঃ, এ বুড়ো বেটা কি অকালের বাদল হয়ে আমা-দের প্লেজর নষ্ট কতো এলো ? এই নব আমাদের সদ্দার, আর গনি গ্যাটারে এই বিশেষ সাহায্য করে; এ ছাড়লে যে আমাদের সর্বনাশ হবে, তার মন্দেহ নাই।

(বোদের প্রবেশ।)

নব। কর্তা কোথায় রে ?

বৈদ্য। আজে দাদাবাবু, তিনি এখন বাড়ীর ভিতর থেকে বেরোন নি।

একেই কি বলে সত্যত

নব। তবে সেই বোতলটা আর একটা গাশ শীঘ্র করে
আন তো।

[বোদের প্রস্থান।

কালী। ভাল নব, তোমাদের কর্তা কি খুব টেকসব হে ?

নব। (দীর্ঘ নিশ্বাস পরিত্যাগ করিয়া) ও দুঃখের কথা তাই
আর কেন জিজ্ঞাসা কর ? বোধ করি কলকাতায় আর এমন
ভক্ত দুটি নাই।

(বোতল ইত্যাদি লইয়া বোদের পুনঃপ্রবেশ)।

কালী। এদিকে দে।

নব। শীঘ্র নেও তাই। এখন আর সে রাবণও নাই, সে সোণার
লঙ্কাও নাই।

কালী। না থাকলো তো বোয়ে গেল কি ! এ তো আছে ?
(বোতল প্রদর্শন)। হা, হা, হা ! (মদ্যপান)।

নব। আরে করো কি, আবার ?

কালী। রমো তাই, আরো একটুখানি খেয়ে নি। দেখ, যে
গুড্ জেনেরেল হয়, সে কি সুযোগ পেলে তার গোরিসনে
প্রোবিজন্ জমাতে কশুর করে ? হা, হা, হা। (পুনর্মদ্য-
পান)।

নব। (বোদের প্রতি) বোতল আর গাশটা নিয়ে যা, আর
শীগ্গীর গোটাকতক্ পান নিয়ে আয়।

[বোদের প্রস্থান।

কালী। এখন চল তাই, তোমাদের কর্তার সঙ্গে একবার দেখা
করা যাগ্গে। আজ্ কিন্তু তোমাকে যেতেই হবে, আজ্ তোমাকে
কোন শালা ছেড়ে যাবে।

একেই কি বলে সভ্যতা ?

নব। তোমার পায়ে পড়ি, ভাই, একটু আন্তে আন্তে কথা কও।

(পান লইয়া বোদের পুনঃ প্রবেশ)।

কালী। দে, এ দিকে দে।

নেপথ্যে। ও বৈদ্যনাথ।

[বোদের প্রস্থান।

নব। এই যে কর্তা বাইরে আসছেন। নেও, আর একটা পান নেও।

কালী। আমি ভাই পান তো খেতে চাইনে, আমি পান কত্তো চাই। সে যাহউক তবে চল না, কর্তার সঙ্গে সাক্ষাৎ করি গিয়ে।

নব। (সহাস্য বদনে) তোমার, ভাই, আর অতো ক্লেশ স্বীকার কত্তে হবে না। কর্তা তোমার গাড়ী দরোজায় দেখলেই আপনি এখানে এসে উপস্থিত হবেন এখন।

কালী। বল কি? আই সে, তোমার চাকর বেটাকে, ভাই, আর একটু ব্রাণ্ডি দিতে বলা তো; আমার গলাটা আবার যেন শুথয়ে উঠছে।

নব। কি সর্বনাশ! এমনিই দেখছি তোমার একটু যেন নেশা হয়েছে; আবার খাবে?

কালী। আচ্ছা, তবে থাকুক। ভাল, কর্তা এখানে এলে কি বলবো বল দেখি?

নব। আর বলবে কি? একটা প্রণাম করে আপনার পরিচয় দিও।

কালী। কি পরিচয় দেবো বলা দেখি, ভাই? তোমাদের কর্তাকে কি বলবো যে আমি বিএরের—মুখটি—স্বকৃতভঙ্গ—মোণাগাছিতে আমার শত শ্বশুর—না না শ্বশুর নয়—শত শাশুড়ির আলায়, আর উইলসনের আখড়ায় নিত্য মহাপ্রসাদ পাই—হা, হা, হা!

একেই কি বলে সত্যতা ?

নব। আঃ, মিছে তামামা ছেড়ে দেও, এখন সন্তি কি বলবে বল দেখি ? এক কর্ম কর, কোন একটা মস্ত বৈষ্ণব ক্যামিলির নাম ঠাওরাতে পার ? তা হলে আর কথাটি কইতে হয় না।

কালী। তা পারবো না কেন ? তবে একটু মাটি দেও, উড়ে বেরারাদের মতন নাকে তিলক কেটে আগে মাধু হয়ে বসি।

নব। না হে না। (চিন্তা করিয়া) গরাণহাটার কোন্ ঘোষ না পরম বৈষ্ণব ছিল ?—তার নাম তোমার মনে আছে ?—ঐ যে ষার ছেলে আমাদের সঙ্গে এক ক্লাশে পড়তো ?

কালী। আমি তাই গরাণহাটার প্যারী আর তার ছুকরি বিন্দি ছাড়া আর কাকেও চিনি না।

নব। কোন্ প্যারী হে ?

কালী। আরে, গোদা প্যারী। সে কি ? তুমি কি গোদা প্যারীকে চেন না ? তাই, একদিন আমি তার মদন যে তার বাড়ীতে যেয়ে কত মজা করেছিলেম তার আর কি বলবো। সে যাক্, এখন কি বলবো তাই ঠাওরাও।

নব। (চিন্তা করিয়া) হাঁ—হয়েছে। দেখ, কালী, তোমার কে একজন খুড়ো পরম বৈষ্ণব ছিলেন না ? যিনি হুন্দাবনে গিয়ে মরেন।

কালী। হাঁ, একটা ওল্ড ফুল ছিল বটে, তার নাম কৃষ্ণ-প্রসাদ ঘোষ।

নব। তবে বেশ হয়েছে। তুমি তাঁরি পরিচয় দিও, বাপের নামটা চেপে যাও।

কালী। হা, হা, হা !

নব। দূর পাগল, হাসিন্ কেন ?

কালী। হা, হা, হা ! ভাল তা যেন হলো, এখন বৈষ্ণব বেটারদের ছুই এক খানা পুঁথির নাম তো না শিখলে নয়।

একেই কি বলে সত্যতা ?

নব। তবেই যে সারলে। আমি তো সে বিষয়ে পরম
পণ্ডিত। রমো দেখি। (চিন্তা করিয়া) শ্রীমদ্ভগবদ্গীতা—গীত
গোবিন্দ—

কালী। গীত কি ?

নব। জয়দেবের গীত গোবিন্দ।

কালী। ধর—শ্রীমতী ভগবতীর গীত, আর—বিন্দাদূতীর
গীত—

নব। হা, হা, হা ! ভার্যার কি চমৎকার মেমরি।

কালী। কেন, কেন ?

নব। হু! কর্তা আসছেন। দেখ, তাই, যেন একটা বেস
করে প্রণাম করে।

(কর্তা মহাশয়ের প্রবেশ।)

কালী। (প্রণাম)।

কর্তা। চিরজীবী হও বাপু, তোমার নাম কি ?

কালী। আজ্ঞে, আমার নাম শ্রীকালীনাথ দাস ঘোষ।
মহাশয়, আপনি—কৃষ্ণপ্রসাদ ঘোষ মহাশয়কে বোধ করি জান্-
তেন। আমি তাঁর ভ্রাতুষ্পুত্র—

কর্তা। কোন্ কৃষ্ণপ্রসাদ ঘোষ ?

কালী। আজ্ঞে, ঝাংবেড়ের—

কর্তা। ইঁ, ইঁ, ইঁ। তুমি স্বর্গীয় কৃষ্ণপ্রসাদ ঘোষ মহা-
শয়ের ভ্রাতুষ্পুত্র, যিনি শ্রীহৃদ্যাবনধাম প্রাপ্ত হন।

কালী। আজ্ঞে ইঁ।

কর্তা। বৈচে থাক, বাপু। রমো। (সকলের উপবেশন)।

তুমি এখন কি কর, বাপু ?

কালী। আজ্ঞে, কালেক্কে নবকুমার বাবুর সঙ্গে এক ক্লাশে
পড়া হয়েছিল, এক্ষণে কর্ম কাজের চেষ্টা করা হচ্ছে।

একেই কি বলে সভ্যতা ?

কর্তা। বেশ, বাপু। তোমার স্বর্গীয় খুড়া মহাশয় আমার পরম
মিত্র ছিলেন। বাবা, আমি তোমার সম্পর্কে জোঠা হই, তা জান ?
কালী। আজ্ঞে।

কর্তা। (স্বগত) আহা, ছেলেটি দেখতে শুভতে ও দেমন, আর
তেমনি মুশীল। আর না হবেই বা কেন ? কুম্ভপ্রসাদের
ভ্রাতৃপুত্র কি না ?

কালী। জোঠা মহাশয়, আজ নবকুমার দাদাকে আমার সঙ্গে
একবার সেতে আজ্ঞা করুন—

কর্তা। কেন বাপু, তোমরা কোথায় যাবে ?

কালী। আজ্ঞে আমাদের জ্ঞানতরঙ্গিণী নামে একটা সভা
আছে সেখানে আজ মিটিং হবে।

কর্তা। কি সভা বললে বাপু ?

কালী। আজ্ঞে জ্ঞানতরঙ্গিণী সভা।

কর্তা। সে সভায় কি হয় ?

কালী। আজ্ঞে, আমাদের কলেজে থেকে কেবল ইংরাজী চর্চা
হয়েছিল, তা আমাদের জাতীয় ভাষা তো কিঞ্চিৎ জানা চাই
তাই এই সভাটি সংস্কৃতবিদ্যা আলোচনার জন্যে সংস্থাপন
করেছি। আমরা প্রতি শনিবার এই সভায় একত্র হয়ে ধর্ম-
শাস্ত্রের আন্দোলন করি।

কর্তা। তা বেশ কর। (স্বগত) আহা, কুম্ভপ্রসাদের ভ্রাতৃপুত্র
কি না ! আর এ নবকুমারেরও তো আমার গুরসে জন্ম।
(প্রকাশে) তোমাদের শিক্ষক কে বাপু ?

কালী। আজ্ঞে, কেন রাম বাচস্পতি মহাশয়, যিনি সংস্কৃত
কলেজের প্রধান অধ্যাপক—

কর্তা। ভাল, বাপু, তোমরা কোন্ সকল পুস্তক অধ্যয়ন কর,
বল দেখি ?

একেই কি বলে সত্যতা ?

কালী । (স্বগত) আ মলো ! এতক্ষণের পর দেখছি মাঝে ।
(প্রকাশে) আজে—শ্রীমতী ভগবতীর গীত আর—বোপদেবের
বিন্দাদূতী ।

কর্তা । কি বলে, বাপু ?

নব । আজে, উনি বলছেন শ্রীমদ্ভগবদ্গীতা আর জয়দেবের
গীতগোবিন্দ ।

কর্তা । জয়দেব ? আহা, হা, কবিকুল-তিলক, ভক্তিরস-মাগর ।

কালী । জ্যেষ্ঠা মহাশয়, যদি আজে হয় তবে এক্ষণে আমরা
বিদায় হই ।

কর্তা । কেন, বেলা দেখছি এখনো পাঁচটা বাজে নি, তা
তোমরা, বাপু, এত সকালে যাবে কেন ?

কালী । আজে, আমরা সকাল সকাল কর্ম নির্বাহ করবো
বলে সকালে সেতে চাই, অধিক রাত্রি জাগলে পাছে বেমো টেমো
হয়, এই ভয়ে সকালে মীট করি ।

কর্তা । তোমাদের সভাটা কোথায়, বাপু ?

কালী । আজে, সীকুদার পাড়ার গলিতে ।

কর্তা । আচ্ছা বাপু, তবে এসো গে । দেখো যেন অধিক রাত্রি
করো না ।

নব এবং কালী । আজে না ।

[উভয়ের প্রস্থান ।

কর্তা । (স্বগত) এই কলিকাতা মহর বিষম ঠাই, তাতে করে
ছেলেটিকে কি একলা পাঠরে ভাল কল্যাম্ ? (চিন্তা করিয়া)
একবার বাবাজীকে পাঠয়ে দি না কেন, দেখে আনুক ব্যাপারটাই
কি ? আমার মনে যেন কেনন মনেই হচ্ছে যে নবকে যেতে দিয়ে
ভাল করি নাই ।

[প্রস্থান ।

একেই কি বলে সত্যতা ?

দ্বিতীয় গর্তাক ।



সিকদার পাড়া ঝুট্ ।

(বাবাজীর প্রবেশ ।)

বাবাজী । (স্বগত) এই তো সিকদার পাড়ার গলি, তা কই ?
নব বাবুর সভাভবন কই ? রাধেকৃষ্ণ । (পরিক্রমণ) । তা, দেখি,
এই বাড়ীটিই বুঝি হবে । (দ্বারে আঘাত) ।

নেপথ্যে । তুমি কে গা ? কাকে খুঁজ্চো গা ?

বাবাজী । ওগো, এই কি জ্ঞানতরঙ্গীসভার বাড়ী ?

নেপথ্যে । ও পুঁটী দেখ্‌তো লা, কোন্ বেটা মাতাল এসে
বুঝি দরজায় ঘা মাচ্ছে ? ওর মাথায় খানিক জল চেলে দে তো ।

বাবাজী । (স্বগত) প্রভো, তোমারি ইচ্ছে । হার, এত দিনের
পর কি মাতাল হলেম্ !

নেপথ্যে । তুই বেটা কে রে ? পালা, নইলে এখনি চৌকীদার
ডেকে দেবো ।

বাবাজী । (বেগে পরিক্রমণ করিয়া সরোবে) কি আপদ !
রাধেকৃষ্ণ ! কর্তা মহাশয়ের কি আর লোক ছিল না, যে তিনি
আমাকেই এ কর্মে পাঠালেন ? (পরিক্রমণ) । এই দেখ্‌চি একজন
ভক্তলোক এ দিকে আস্‌চে, তা একেই কেন জিজ্ঞাসা করিনে ।

(একজন মাতালের পুবেশ ।)

মাতাল । (বাবাজীকে অবলোকন করিয়া) ওগো, এখানে
কোথা যাত্রা হ্‌চে গা ?

বাবাজী । তা বাবু, আমি কেমন করে বল্‌বো ?

মাতাল । সে কি গো ? তুমি না সহ সেজেচ ?

বাবাজী । রাধেকৃষ্ণ !

সাতাল। তবে, শালা, তুই এখানে কচ্চিস্ কি? হাঃ শালা।

[পুস্থান।

বাবাজী। কি সর্বনাশ! বেটা কি পাশগু গা? রাধেকৃষ্ণ! এ গলিতে কি কোন ভদ্রলোক বসতি করে গা?—এ আবার কি? (অবলোকন করিয়া) আহা, স্ত্রীলোক দুটি যে দেখতে নিতান্ত কদাকার তা নয়। এঁরা কে?—হরেকৃষ্ণ, হরেকৃষ্ণ। (একদৃষ্টে অবলোকন)।

(দুইজন বারবিলাসিনীর পশ্চাতে দৃষ্টি করিতে করিতে পুবেশ।)

প্রথম। ওলো বামা, গুরো পোড়ারমুখোর আক্কেল দেখলি? আমাদের সঙ্গে যাচ্চি বলে আবার কোথায় গেল?

দ্বিতীয়। তবে বুঝি আস্ত্য আস্ত্য পদীর বাড়ীতে ঢুকেচে। তোর যেমন পোড়া কপাল, তাই ও হতোভাগাকে রেখেচিস। আমি হলে এতদিনে কুলোর বাতাস দিয়ে বিদায় কর্তুম।

প্রথম। দাঁড়া না, বাড়ী যাই আগে। আজ যুড়ো খেঙ্গরা দে বিষ ঝাড়বো। আমি তেমন বান্দা নই, বাবা। এই বরেন্দে কত শত কেটার নাকের জলে, চক্ষের জলে করে ছেড়েচি। চলনা, আগে মদনমোহন দেখে আসি; এমে ওর শ্রাদ্ধ করবো এখন।

দ্বিতীয়। তুই যদি তাই পারবি তা হলে আর ভাবনা কি—ও থাকি, ঐ মোল্লার মতন কাচা খোলা কে একটা দাঁড়য়ে রয়েছে, দেখু?

প্রথম। ই্যা তো, ই্যা তো। এই যে আমাদের দিকে আসচে। ওলো বামা, ওটা মোল্লা নয় তাই, রনের ঠেবিগী ঠাকুর। ঐ যে কুঁড়োজালি হাতে আছে। (হাস্য করিয়া) আহা, বিনয়ের রকম দেখু না—যেন তুলসীবনের বাঘ।

একেই কি বলে সত্যতা ?

বাবাজী । (নিকটে আসিয়া) ওগো, তোমার বলতে পার, এখানে জ্ঞানতরঙ্গিনী সভা কোথা ?

দ্বিতীয় । তরঙ্গিনী আবার কে ? (থাকিলে ধারণ করিয়া হস্ত) । বাবাজী, তরঙ্গিনী তোমার বক্ষুণীর নাম বুঝি ?

প্রথম । আহা, বাবাজী, তোমার কি বক্ষুণী হারিয়েছে ? তা পথে পথে কেঁদে বেড়ালে কি হবে ? যা হবার তা হয়েছে, কি করবে তাই ? এখন আমাদের সঙ্গে আসবে তো বল ?—কেন বাক্য, ভেক নিতে পারবি ?

দ্বিতীয় । কেন পারব না ? পাঁচমিকে পেলিই পারি । কি বল, বাবাজী ।

প্রথম । বাবাজী আর বলবেন কি ? চল আমরা বাবাজীকে হরিবোল দিয়ে নিয়ে যাই । বল হরি, হরিবোল ।

বাবাজী । (স্বগত) কি বিপদ ! রাধেকৃষ্ণ । (প্রকাশে) না বাছা, তোমরা যাও, আমার যাট হয়েছে ।

দ্বিতীয় । হেঁ, আমরা যাব বই কি ? তোমার তো সেই তরঙ্গিনী বই আর মন উঠবে না ? তা, আমরা যাই, আর তুমি এইখানে দাঁড়িয়ে দাঁড়িয়ে কাঁদ । (বাবাজীর মুখের নিকট হস্ত নাড়িয়া) “ সাধের বক্ষুণী প্রাণ হারিয়েছে আমার ” ।

[দুইজন বারবিলাসিনীর পুস্থান ।

বাবাজী । আঃ, কি উপাৎ ! এত যত্ননাও আজ কপালে ছিল ! —কোথাই বা সভা আর কোথাই বা কি ? লাভের মধ্যে কেবল আমারি যত্ননা সার । (পরিক্রমণ করিয়া) যদি আবার কিরে যাই তা হলে কর্তাণী রাগ করবেন আমি যে ঘোর দারে পড়লেম ! এখন করি কি ? (চিন্তাভাবে অবস্থিতি, পরে মন্থুখে অবলোকন করিয়া) হেঁ, ভাল হয়েছে, এই একটা মুন্সিলআসান আসছে, ওর গিছনের আলোর আলোর এই বেলা প্রস্থান করি—না—

ওমা, এজে সারজন সাহেব, য়েঁদি ফিরতে বেরয়েচে দেখচি, এখানে চুপ করে দাঁড়য়ে থাকলে কি জানি যদি চোর বলে ধরে ? কিন্তু এখন যাই কোথা ? (চিন্তা) তাই ভাল, এই আডালে দাঁড়াই—ওমা, এই যে এসে পড়লো । (বেগে পলায়ন) ।

(সারজন ও চৌকীদারের আলোক লইয়া পুবেশ ।)

সার । হাল্লো ! চওকীডার ! এক আডমী ওটার ডোঁড়কে গিয়া নেই ?

চৌকী । নেই ছাব, হামতো কুচ নেহি দেখা ।

সার । আলবট্ গিয়া, হাম্ ডেকা । টোন্ জলডী ডওড়কে যাও, উচ্চরক ডেকো, যাও—যাও—জলডী যাও, ইউ সুর ।

চৌকী । (বেগে অন্যদিকে গমন করিতে করিতে) কোন হেয় রে, খাড়া রও ।

সার । ড্যান ইউর আইজ—ইচার, ইউ কল ।

চৌকী । (ভয়ে) হঁ । ছাব, ইধর্ । (বেগে প্রস্থান) ।

সার । (ক্রোধে) আ ! ইফ আই কোন কেচ হিম—

নেপথে । (উচ্চঃস্বরে) পাকড়ে পাকড়ে—উহুহুহু—

নেপথে । আমি যাচ্ছি বাবা, আর মারিস নে বাবা, দোহাই

বাবা, জোর পারে পড়ি বাবা ।

নেপথে । শালা চোঁটা, তোমারা ওয়াস্তে দোঁউড়কে হামারা

জান গীয়া ।

নেপথে । উহুঁহুঁহুঁ—বাবা, আমি চোর নই বাবা, আমি

ভেকধারী বৈক্যব, বাবা ।

(বারাজীকে লইয়া চৌকীদারের পুবেশ ।)

সার । স্য ইউ, টোন্ চোঁটা হেয়

বাবাজী। (মত্ৰাসে) না সাহেব বাবা, আমি কিছু জানি নে, আমি—গো, গো, গো—

সার। হ্যেং ইউর গো, গো, গো,—চুপরাও, ইউ বুডী নিগর, ডেকলাও টোমারা বোগ মে কিয়া হেয়। (বল-পূর্বক মালা গ্রহণ করিয়া আপনার গলায় পরিধান) হা, হা, হা, হা ! বাপ রে বাপ,—হাম বড়া হিণ্ডু ছয়া—রাচে, কিম্ ডে ! হা, হা, হা !

বাবাজী। (মত্ৰাসে) দোহাই সাহেব মহাশয়, আমি গরিব বৈষ্ণব, আমি কিছু জানি নে, দোহাই বাবা, আমাকে ছেড়ে দেও। —(গমনোদ্যত)।

চৌকী। খাড়া রও, শালা।

বাবাজী। দোহাই কোম্পানির—দোহাই কোম্পানির।

সার। হোল্ড ইউর টং, ইউ ব্যাক্রট্। ইয়েহ্ ব্যেগ্মে আওর কিয়া হেয় ডেকে গা। (ঝুলি বলপূর্বক গ্রহণ এবং চারি টাকা ভুতলে পতন)।

সার। দেট্‌স্ রাইট্ ! ইউ সূটি ডেভল্। কেন্কা চোরি কিয়া ! (চৌকীদারের প্রতি) ওক্কা ঠানে মে লে চলো।

বাবাজী। দোহাই সাহেবের, আমি চুরি করি নি, আমাকে ছেড়ে দেও—দোহাই ধর্মাবতার, আমি ও টাকা চাই নে।

সার। মো নেই হোঁগা, টোম্ ঠানেমে চলো—কিয়া ? টোম্ যাগে নেই / আল্‌বট্ ঠানে হোঁগা।

চৌকী। চলবে, ঠানে মে চল্।

বাবাজী। দোহাই কোম্পানির—আমি টাকা কড়ি কিছুই চাই মে ; তুমি বরঞ্চ টাকা নিয়ে যা ইচ্ছে হয় কর বাবা, কিন্তু আমাকে ছেড়ে দেও, বাবা।

সার। (হাস্ত মুখে) কিয়া ? টোম্ নেই মাংটা !) আপন

জেরে টাকা রাখিয়া চৌকীদারের প্রতি) ওয়েল্‌ দেন্, হান্ ডেক্টা
ওহা কুচ্ কনুর নেই, ওহো ছোড় ডেও।

বাবাজী। (সোলাসে) জয় মহাপ্রভু।

চৌকী। (বাবাজীর প্রতি জনান্তিকে) তোম্‌ হামকো তো
কুচ্‌ দিয়া নেই—আচ্ছা যাও, চলা যাও।

বাবাজী। না দাদা, আমি একবার জ্ঞানতরঙ্গিনী সভায় যাব।

চৌকী। হাঁ হাঁ, ঐ বাড়ীমে—ও বড়া মজাকি জাগুগা হের।

সার। ডেকো চৌকীডার, রোপেয়াকা বাট্—(ওঠে অঙ্গুলি
প্রদান)।

চৌকী। ঘো ছকুম, খাবিন্।

সার। মন্! ইজ্‌ দি ওয়ার্ড, মাই বয়! আবি চলো।

[সারজন ও চৌকীদারের পুস্থান।

বাবাজী। রাধেকৃষ্ণ! আঃ বাচলেন্, আজ্‌ কি কুলয়েই বাড়ী
থেকে বেরিয়েছিলেন্! ভাগ্যে টাকা কটা সঙ্গে ছিল, আর সারজন
বেটারও হাতপাতা রোগ আছে, তাই বকে—নইলে আজ্‌কে
কি হাজতেই থাকতে হতো, না কি হতো, কিছু বলা যায়না।

(হোটেল্‌ বাক্স লইয়া দুই জন মুটীয়ার প্রবেশ।)


এ আবার কি? রাধেকৃষ্ণ—কি দুর্গন্ধ! এ বেটার। এখানে
কি আনছে? (অস্তে অবস্থিতি।)

প্রথম। ইঃ, আজ্‌ যে কত চিজ্‌ পেটিয়েচে তার হিসাব নাই,
মোর গরুজান্টা যেন বেঁকে যাচে।

দ্বিতীয়। দেখ্‌ মায়, এই হেঁচু বেটারাই ছুনিয়াদারির মজা
করে ন্যেলে। বেটারগো কি আরামের দীন, তাই।

প্রথম। মর বেকুফ্‌ ও হারাম্‌খোর বেটারগো কি আর দীন
আছে? ওরা না মানে আলা, না মানে দ্যেবতা।

একেই কি বলে সত্যতা ?



দ্বিতীয়। লোকীন্ কোবল এই গকথেগো বেটা বগো মালিগায়েই
মোগর পোঁচঘর এত কেঁপে ওটতেচে ; সাম হকৈই বেটায়ে বাহ
ডের মাকিক বাঁকে বাঁকে আসে পড়ে ; আর কয়ে ধার, কয়ে
যে পিয়ে ধার, তা কে বলতি পারে

প্রথম। ও কাদের মেয়া, মোদের কি সারারাত এহানে
দেঁড়রে থাকি হবে ! দরওয়ানজীকে ডাক না। ও দরওয়ানজী !
এ মাড়ুয়াবাদি শাল। গেল কোহানে ?—ও দরওয়ানজী ; দরও-
য়ানজী ।

নেপথ্যে। কোন হয় রে ।

প্রথম। মোরা পোঁচঘরের মুটে গো ।

নেপথ্যে। আও, ভিতর চলে আও ।

[মুটিয়া গণের প্ৰস্থান ।

বাবাজী। (অগ্রসর হইয়া স্বগত) কি আশ্চর্য্য ! এসব কিসের
বাক্স ? উঃ, থু, থু, রাখে কুফ ! আমি তো এ জ্ঞানতরঙ্গিনী
সভার বিষয় কিছুই বুঝতে পাচ্ছি না ।

নেপথ্যে। বেল ফুল ।

নেপথ্যে। চাই বরোক্ ।

(মালি এবং বরোক্ওয়ালার প্ৰবেশ) ।

মালী। বেলফুল,—ও দরওয়ানজী, বাবুরো এসেচে ।

নেপথ্যে। না, আবি আরা নেছি, খোড়া বাদ আও ।

বরক্ । চাই বরক্—কি গো দরওয়ানজী ।

নেপথ্যে। তোমি খোড়া বাদ আও ।

[মালি এবং বরক্ওয়ালার প্ৰস্থান ।

বাবাজী। (স্বগত) কি সৰ্বনাশ, আমি তো এহু কিছুই বুঝতে
পাচ্ছি না ।

নেপথ্যে ধূরে । বেল কুল—চাই বরোক ।

(যন্ত্রীগণ সহিত নিতম্বিনী আর পরোধরীর পূবেশ) ।

নিত । কাল্ যে ভাই কালীবারু আমাকে ব্যোণ্ডি খাইয়েছিল—উঃ, আমার মাথাটা যেন এখনো ঘুচে । আজ যে ভাই আমি কেমন করে নাচবো তাই ভাব্চি ।

পরো । আমার ওখানেও সদানন্দ বারু কাল ভারি ধুম লাগিয়েছিল । আজ্ কাল্ সদানন্দ ভাই খুব তোয়ের হয়ে উঠেছে । এমন ইয়ার মানুষ আর ছুটি পাওয়া ভার ।

বন্দী । চল, ভিতরে যাওয়া যাউক্ । ও দরওয়ানজী ।

নেপথ্যে । কোন্ হ্যার ?

পরো । বলি আগে ছুর খোলো, তার পরে কোন্ হ্যার দেখতে পাবে এখন ।

নেপথ্যে । ওঃ, আপ্লোক হ্যার, আইয়ে ।

[যন্ত্রীগণ ইত্যাদির প্রস্থান ।

বাবাজী । (অগ্রসর হইয়া স্বগত) একি চমৎকার ব্যাপার ? এরা তো কশ্বী দেখতে পাচ্ছি । কি মর্কনাশ ! আমি এতক্ষণে বুঝতে পাচ্ছি কাণ্ডটা কি । নবকুমারটা দেখ্চি একবারে বয়ে গেছে । কর্তা মহাশয় এসব কথা শুনলে কি আর রক্ষে থাকবে ?

(নববারু এবং কালীবারুর প্রবেশ) ।

নব । হা, হা, হা— স্ত্রীমতী ভগবতীর গীত ! তোমার ভাই কি চমৎকার মেমরি ! হা, হা, হা ।

কালী । আরে ও সব লক্ষীছাড়া বই কি আমি কখন খুলি না পড়ি, যে মনে থাকবে ।

নব । (বাবাজীকে অবলোকন করিয়া) একি, এজে বাবাজী হে ! কেমন ভাই কালী, আমি বলেছিলান কি না যে কর্তা একজন

না একজনকে, অবশ্যই আমার পেছনে পেছনে পাঠাবেন ; যা হোক, এক যে আমরা দেখতে পেলেম এই আমাদের পরমভাগ্য বলতে হবে ।

কালী । বল তো ও টেকার শালাকে ধরে এনে একটু কাউল কট্লেট্ কি মটন চপ্ খাইয়ে দি—শালার জখটা সার্থক হউক ।

নব । চুপকর হে, চুপকর । এ ভাই ঠাট্টার কথা নয় । (অগ্রসর হইয়া) কি গো, বাবাজী সে ? তা আপনি এখানে কি মনে করে ?

বাবা । না, এমন কিছু না, তবে কি না একটা কৰ্ম বশতঃ এই দিগ দিয়ে যাচ্ছিলেম, তাই ভাবলেম যে নববাবুদের সভা ভবনটি একবার দেখে যাই ।

নব । বটে বটে ? চলুন, তবে ভিতরে চলুন ।

কালী । (জনান্তিকে নবকুমারের প্রতি) আরে করিম্ কি, পাগল ? এটাকে এর ভিতরে নেগেলে কি হবে ? আমরা তো আর হরিবাসর কতো যাচ্ছি নে ।

নব । (জনান্তিকে কালীর প্রতি) আঃ. চুপ করনা । (একাংশে বাবাজীর প্রতি) বাবাজী, একবার ভিতরে পদার্পণ কল্যে ভাল হয় না ।

বাবা । না বাবু, আমার অন্যতরে কৰ্ম আছে, তোমরা যাও ।

[প্রস্থান ।

কালী । বল তো শালাকে ধাঁ করে ধরে এনে না হয় যা হুই লাগিয়ে দি ।

নব । দরওয়ান ।

(দৌবারিকের প্রবেশ) ।

দৌবা । মহারাজ ।

নব । ও লোগ সব আয়া ?

দৌবা। জী, মহারাজ।

নব। আচ্ছা, তোম যাও।

দৌবা। জে হুকুম, মহারাজ।

[প্রস্থান।

নব। আজ ভাই দেখি এই বাবাজী বেটা একটা ভারি হেঙ্কাম করে বসবে এখন। বোধ করি ও ঐ মাগীদের ভিতরে ঢুকতে দেখেছে।

কালী। পুঃ, তুমি তো ভারি কাউয়ার্ড হে! তোমার যে কিছু মরাল করেজ নেই। ও বেটাকে আবার ভয়?—চল।

নব। না হে না, তুমি ভাই এ সব বোঝ না। চল দেখি গে বেটার হাতে কিছু ও কর্ম করে দিরা যদি মুখ বন্দ করতে পারি।

কালী। নন্সেন্স! তার চেয়ে শালাকে গোটাকত কিছু দিয়ে একেবারে বৈকুণ্ঠে পাঠাও না কেন। ড্যাম্ দি ক্রট্! ও শালাকে এ পৃথিবীতে কে চায়? ওর কি আর কোন মিসন্ আছে?

নব। দূর পাগল, এ সব ছেলেমানুষের কর্ম নয়। চল, আমরা হুজনেই ওর কাছে যাই।

[উভয়ের পুস্থান।

ইতি প্রথমাক্ষ।

একেই কি বলে সত্যতা ?

দ্বিতীয় অঙ্ক

প্ৰথম গর্তাঙ্ক ।

সভা ।

কতিপয় বাবুর প্রবেশ ।

চৈতন । নব আর কালী যে আজ এত দেরি করছে এর কারণ কি ?

বলাই । আমি তা কেমন করে বলবো ? ওহে ওদের কথা ছেড়ে দেও, ওরা সকল কর্ম্মই লীড্ নিতে চায়, আর ভাবে যে আমরা না হলে বুঝি আর কোন কর্ম্মই হবে না ।

শিবু । যা বল তাই, কিন্তু ওরা দুজনে লেখা পড়া বেস্ জানে ।

বলাই । বিটুইন্ আওয়ার সেল্‌বস্, এমন কি জানে ?

মহেশ । হাঁ, হাঁ, সকলেরি বিদ্যা জানা আছে ! সে দিন যে নব এক খানা চিঠি লিখেছিল, তা তো দেখিইছো, তাতে লিগুলি মরের যে দুর্দশা তা তো মনে আছে ?

বলাই । এতেও আবার প্রাইড্ টুকু দেখেছো ? কালী আবার ওব্ চেয়ে এক কাণী মরেস্ ।

চৈতন । আঃ, তারা কেও মানুষ্ ও সকল কথায় কাজ্ কি ? বিশেষ ওরা আছে বলে তাই আজ্ও সভা চল্ছে—তা জান?

মহেশ । তা টুরুথ্ বলবো তার আর কেও কি ?

বলাই । আচ্ছা, সে কথা ষাউক ; আমরাও তো মেঘর বটে, তবে তাদের দুজনের জন্যে আমাদের ওএট্ করবার আবশ্যিক কি ?

শিবু। তাইতো। আমাদের তো কোরম্ হয়েছে, তবে এখন সত্যার কর্ম আরম্ভ করা যাউক না কেন ?

মহেশ। হিরর, হিরর, আমি এ মোসন্ নেকেশু করি।

বলাই। হা, হা, হা, এতে দেখছি কারে। অব্জেক্‌সন নাই, একবারে নেম্‌কন্—বাভো! হা, হা, হা।

মহেশ। (ঘড়ী দেখিয়া) নটা বাজতে কেবল পাঁচ মিনিট বাকী আছে, বোধ কবি নব আর কালী আজ এলো না, তা আমি চৈতন বাবুকে চ্যারম্যান্ প্রোপোজ্‌ করি।

সকলে। হিরর, হিরর!

চৈতন। (গাত্রোখান করিয়া) জেন্টেলমেন্, আপনারা অনুগ্রহ করে আমাকে সে পদে নিযুক্ত করেন, তার কর্ম আমি যত দূর পারি প্রাণপণে চালাতে কসুর করবো না,—নাউ টু বিজ্‌নেস্।

সকলে। হিরর, হিরর! (করতালি)।

চৈতন। (উচ্চস্বরে) খানসামা—বেয়ারা—

নেপথ্যে। জি, আজ্ঞে।

চৈতন। গোটা দুই বাণ্ডি আর তামাক নে আর। (উপবিষ্ট হইয়া) যদি কারো বিয়ার খেতে ইচ্ছে হয় তো বল।

বলাই। এমন সময়ে কোন্ শাল। বিয়ার খায়।

সকলে। হিরর, হিরর।

(খানসামা এবং বেয়ারার মদ্য এবং তামাক লইয়া

পূবেশ।)

চৈতন। সব্‌বান্ লোককে। সরাব দেও, (সকলের মদ্য পান) আমার বোতল গাস সব হইয়। ধর দেও।

খান্। আচ্ছ। বাবু।

[বোতল ইত্যাদি রাখিয়া পুস্থান।

চৈতন। বেয়ারা—এ খেমটা ওয়ালিমের ডেকে দেতো।
আর দেখ, খানিকটে বরফ আন্।

বেয়ারা। যে আছে।

[পুস্থান।

বলাই। আমি আমাদের নতুন চেয়ারমেনের হেলথ
দিতে চাই।

সকলে। হিয়ার, হিয়ার (মদ্যপান করিয়া) হিণ্, হিণ্,
হুরে, হুরে।

[নিতম্বিনী, পয়োধরী এবং যন্ত্রীগণের পূবেশ।

চৈতন। আরে এসো, বসো ! কেমন ভাই, চিন্তে পার ? তবে
ভাল আছ তো ? (সকলের উপবেশন)।

নিত। যেমন রেখেছেন।

চৈতন। আমি আর তোমাকে রেখেছি কই ? আমার কি
তেমন কপাল !

সকলে। বাভো, হিয়ার, (করতালি)।

চৈতন। ও পয়োধরি, একটু এদিকে সরে বসো না।

পয়ো। না, আমি বেস আছি।

চৈতন। (দ্বিতীয়ের প্রতি) বলাই বাবু, এঁদের একটু কিছু
খাওয়াও না।

চৈতন। এই এসো (সকলের মদ্যপান)।

শিরু। (চতুর্থের প্রতি) ও শালা, তুই ঘুমুচ্চিস না কি ?

মহেশ। (হাই তুলিয়া) না হে তা নয়, ঘুমবে। কেন ?—নব
আসেনি বটে ?

সকলে। (হাস্য করিয়া) বাভো, বাভো।

চৈতন। (পয়োধরীর হস্ত ধারণ করিয়া) একটি গাওনা
ভাই।

পয়ে। এর পর হলে ভাল হয় না ?

চৈতন। না না, পরে আবার কেন ? শুভকর্মে বিলম্বে কাজ কি।

পয়ে। আচ্ছ। তবে গাই, (স্বস্তী দিগের প্রতি) আড় খেমটা।

গীত।

রাগিণী শঙ্করা, তাল খেমটা।

এখনকি অর্ নাগর্ তোমার্

আমার্ পুতি, তেমন আছে।

নূতন্ পেয়ে পুরাতনে

তোমার্ সে যতন্ গিয়েছে ॥

তখনকার ভাব থাকতো যদি,

তোমায় পেতেম্ নিরবধি,

এখন, ওহে গুণনিধি,

আমায় বিধি বাম হয়েছে।

যা হবার্ আমার হবে,

তুমি তো হে সুখে রবে,

বল দেখি শুনি তবে,

কোন্ নতুনে মন্ মজেছে ॥

সকলে। কিয়বাৎ, সাবাস, বেঁচে থাক বাবা, জীতা রও বাবা।

চৈতন। ও বলাই বাবু, তুমি কেমন সাকী হে ?

বলাই। সাকী আবার কি ?

চৈতন। যে মদ দেয় তাকে পার্শ্বীতে সাকী বলে।

শিবু। (গাইয়া) “ গর্ ইয়ার নহো সাকী ” ।—

তা, এসো, (সকলের মদ্য পান) ।

টচতন। চুপ কর তো, কে যেন উপরে আসছে না ?

বলাই। বোধ করি নব আর কালী—

(নব এবং কালীর পূবেশ) ।

সকলে। (সকলে গাত্রোখান করিয়া) হিণ্, হিণ্, ছরে ।

কালী। (প্রমত্ত ভাবে) ছরে, ছরে ।

নব। বসো, ভাই, সকলে বসো, (সকলের উপবেশন) দেখ ভাই, আজ আমাদের একসকিউজ কর্তে হবে, আমাদের একটু কর্ম ছিল বলে তাই আসতে দেরি হয়ে গেছে ।

শিবু। (প্রমত্তভাবে) দ্যাট্‌স এ লাই ।

নব। (ক্রুদ্ধভাবে) হোয়াট, তুমি আমাকে লায়র বল ? তুমি জান না আমি তোমাকে এখনি স্টুট করবে ?

টচতন। (নবকে ধরিয়। বলাইয়া) হাঃ, যেতে দেও, যেতে দেও, একটা ট্রাইক্লীং কথা নিয়ে মিছে ঝকড়া কেন ?

নব। ট্রাইক্লীং !—ও আমাকে লাইয়র বললে—আবার ট্রাইক্লীং ? ও আমাকে বাঙ্গালা করে বললে না কেন ? ও আমাকে মিথ্যাবাদী বললে না কেন ? তাতে কোন্ শালা রাগতো ? কিন্তু—লাইয়র—এ কি বরদাস্ত হয় ।

টচতন। আরে যেতে দেও, ও কথাই আর মেজন্ করোনা ।
(উপবেশন করিয়া) ।

নব। কি গো পয়োধরি, নিতম্বিনি, তোমার ভাল আছে তো ।

পয়ো। হাঁ, আমরা তো আছি ভাল, কিন্তু তোমার যে বড়ভাল দেখছি নে—এখন তোমাকে ঠাণ্ডা দেখলে ঝাঁচি ।

নব। আমি তো ঠাণ্ডাই আছি, তবে এখন গরম হবে।—ওহে বলাই, একটু ব্যুটি দেও তো ।

সকলে । ওহে আমাদের ছুলো না হে । (সকলের মন্য পান) ।

নব । ওহে কালী, তুমি যে চুপ করে রয়েছো ।

কালী । আমি ঐ বৈষ্ণব শালার ব্যবহার দেখে একবারে অস্বাক্ষর হয়েছি । শালা এদিকে মাল ঠকু ঠকু করে, আবার ঘুশ গেরে মিথ্যা কথা কইতে স্বীকার পেলে ? শালা কি হিপক্রীট ।

নব । মরুক, সে থাক । ও পয়োধরি, তোমরা একবার ওঠ না, নাচটা দেখা যাক ।

সকলে । না না, আগে তোমার ইস্পীচ ।

নব । (গাত্রোথান করিয়া) আচ্ছা ; জেন্টেলম্যান, আপনারা সকলে এই দেয়ালের প্রতি একবার চেয়ে দেখুন ; এই যে কয়েকটি অক্ষর দেখছেন, এই সকল একত্র করে পড়লে “ জ্ঞানতরঙ্গিনী সভা ” পাওয়া যায় ।

সকলে । হিয়ার, হিয়ার ।

নব । জেন্টেলম্যান, এই সভার নাম জ্ঞানতরঙ্গিনী সভা—আমরা সকলে এর মেম্বর—আমরা এখানে মীট করো যাতে জ্ঞান জন্মে তাই করে থাকি—এও উই আর জলি গুড ফেলোজ্ ।

সকলে । হিয়ার, হিয়ার, উই আর জলি গুড ফেলোজ্ ।

নব । জেন্টেলম্যান, আমাদের সকলের হিন্দুকুলে জন্ম, কিন্তু আমরা বিদ্যাবলে সুপারভিসনের শিকলি কেটে ফ্রী হয়েছি ; আমরা পুত্রলিকা দেখে হাঁটু নোয়াতে আর স্বীকার করি নে, জ্ঞানের বাতির দ্বারা আমাদের অজ্ঞান অন্ধকার দূর হয়েছে ; এখন আমার প্রার্থনা এই যে, তোমরা সকলে মথ মন এক করে, এদেশের সোসীয়াল রিফরমেশন যাতে হয় তার চেষ্টা কর ।

সকলে । হিয়ার, হিয়ার ।

নব । জেন্টেলম্যান, তোমাদের ষেয়েদের এজুকেট কর,

—তাদের স্বাধীনতা দেও—জাত ভেদ তফাৎ কর—আর বিধবাদের বিবাহ দেও—তা হলে এবং কেবল তা হলেই, আমাদের প্রিয় ভারতভূমি ইংলণ্ড প্রভৃতি সভ্য দেশের সঙ্গে টক্কর দিতে পারবে—নচেৎ নয় !

সকলে। হিয়ার, হিয়ার।

নব। কিন্তু জেন্টেলম্যান, এখন এ দেশ আমাদের পক্ষে যেন এক মস্ত জেলখানা; এই গৃহ কেবল আমাদের লিবরটী হল—অর্থাৎ আমাদের স্বাধীনতার দালান; এখানে যার যে খুসি, সে তাই কর। জেন্টেলম্যান, ইন্ দি নেম্ অব ফ্রীডম, লেট্ অস এঞ্জয় আওরসেলভস্! (উপবেশন)।

সকলে। হিয়ার, হিয়ার,—হিপ, হিপ, হুরে, হু—রে; লিবরটী হল—বি ফ্রী—লেট্ অস এঞ্জয় আওরসেলভস্।

নব। ওহে বলাই, একবার সকলকে দেও না।

বলাই। আচ্ছা,—এই এসে, (সকলের মদ্যপান)।

নব। তবে এইবার নাচ আরম্ভ হোক। কম্, ওপেন্ দি বল্, মাই বিউটিস্।

পয়ো, মিত। নৃত্য এবং গীত।

নব। কিয়াবাৎ, জীতা রও। বেঁচে থাক, ভাই।

কালী। হুরে, জ্ঞানতরঙ্গিনী সভা কর এভর।

সকলে। জ্ঞানতরঙ্গিনী সভা কর এভর্ (করতালি)।

নব। চল ভাই, এখন মপর টেবিলে যাওষ। যাউক।

টচতন। (গাত্রোখান করিয়া)—থ্রী চিয়ান্স কর্ আমাদের চ্যারম্যান্—

সকলে। হিপ্, হিপ্, হিপ—হুরে! হু—রে—হুরে।

নব। ও পরোধরি, তুমি, ভাই, আমার আর্সন্ নেও।

পয়ো। তোমার কি নেবো, ভাই ?

নব । এসো, আমার হাত ধর ।

কালী । ও নিতম্বিনি, তুমি ভাই, আমাকে ফেঁদর কর ।
আহা ! কি সফট হাত !

সকলে । বাভো । (করতালি) ।

[যন্ত্রীগণ ব্যতীত সকলের প্রস্থান ।

ভবলা । ও ভাই, দেখো তো ও বোতলটায় আর কিছু আছে
কিনা ।

বেহালা । " কৈ, দেখি ? হ্যাঁ, আছে । এই নেও, (উভয়ের
মদ্যপান) ।

ভবলা । আঃ, খাসা মাল যে হে ।

নেপথ্যে । হিপ, হিপ, করে ।

বেহালা । চল ভাই এক ছিলিম গাঁজার চেফ্ট । দেখি গিয়ে—
এ ব্রাণ্ডিতে আমাদের সানে না ।

[সকলের প্রস্থান ।

দ্বিতীয় গর্তাঙ্ক ।



নবকুমার বাবুর শয়ন মন্দির ।

প্রসন্নময়ী, নৃত্যকালী, কমলা, এবং হরকামিনী,
আসীন ।

প্রসন্ন । এই নেও—

নৃত্য । কি খেললে ভাই ?

প্রসন্ন । চিড়িতনের দহলা ।

নৃত্য । আরে মনো, চিড়িতন যে রঙ, ত্রুপ খেললি কেন ?

এসন্ন । তুই, ভাই, মিছে বকিস্ কেন ? হাতে রঙ না থাকে
পাব দে যা ।

নৃত্য । এই এসো, আমি টেকা মারলেম ।

হর । এই নেও ।

নৃত্য । ও কিও, পায় দিলে যে ?

হর । হাতে ত্রুপ না থাকলে পাব দোবো না তো কি করবো ।

নৃত্য । এস কমল, এবার ভাই তোমার খেলা ।

কমল । আমি ভাই বিবি দিলাম ।

নৃত্য । মর, ও যে আমাদের পিট, তুই বিবি দিলি কেন ?

কমল । বাঃ বিবি দোবো না তো কি ? সায়েব কোথা ?

নৃত্য । এই যে সাহেব আমার হাতে রয়েছে—

কমল । আমি তো ভাই আর জান নই ।

নৃত্য । মর ছুঁড়ি, খেলার ইসারার বুঝিতে পারিস্ নে ? তোর
মোতন বোকা মেয়ে তে, আর দুটা নাই লা, তুই যদি তাস্ না
খেলতে পারিস্ তবে খেলতে আসিস্ কেন ?

কমল । কেন, খেলতে পারবো না কেন ?

নৃত্য । একে কি কেউ খেলা বলে ? তুই আমার টেকার উপর
বিবি দিলি ।

কমল । কেন ? বিনটে ধরা গেলে বুঝি ভাল হতো ?

হর । আর ভাই, মিছে গোল করিস্ কেন ?

নৃত্য । (কমলার প্রতি) কি আপোদ, যখন সায়েব আমার
হাতে আছে তখন তোর আর ভর কি ?

কমল । বস, তুই পাগল হালি না কি লো ? তোর হাতে সাহেব
তা আমি টের পাব কেমন করে লা ?

নৃত্য । তুই ভাই যদি তাস খেলা কাকে বলে তা জানতিস্ তবে
অবিলম্বে টের পেতিস্ ।

কমল । ও প্রসন্ন, শুনলি তো ভাই, এমন কি কখন হয় ? বিবি ধরা গেমে, বিবি পালাবার বাগ পেলেন কি কেউ তা ছাড়ে ?

নেপথ্যে । ও প্রসন্ন—

প্রসন্ন । চুপ্ কব লো, চুপ্ কর, ঐ শোন, মা ডাকছেন—

নেপথ্যে । ও বোউ—

প্রসন্ন (উচ্চস্বরে) কি, মা—

নেপথ্যে । ওলো, তোরা এখানে কি করচিস্ ল।

প্রসন্ন । (উচ্চস্বরে) আমরা মা, দাদার বিছানা পাড়চি ।

হর । ও ঠাকুরঝি, তাম যোড়াটা ভাই, নুকোও. ঠাকুরগ দেখতে পেলেন আর রক্ষে থাকবে না ।

প্রসন্ন । (তাম বালিশের নিচে গোপন করিয়া) আর ভাই আমরা সকলে এই চাদর খানা ধরে ঝাড় তে থাকি , তা হলে মা কিছু টের পাবেন না ।

নৃত্য । আরে মলে।—আবার টেক।—

কমল । আরে তাতে বয়ে গেল কি ? মায়ের কি বিবি ধরতে পারে না ?

হর । তোদের পায়ে পাড়ি ভাই চুপ কব, ঐ দেখ ঠাকুরগ উপরে আসছেন । ধর, সকলে মিলে এই চাদর খানা ধর ।

(গৃহিণীর পুবেশ) ।

গৃহিণী । ওলো, তোরা এখানে কি করচিস্ ল।

প্রসন্ন । এই যে মা, আমরা দাদার বিছানা পাড়চি ।

গৃহিণী । ওমা, তোদের কি সন্ধ্যা অবধি একটা বিছানা পাড়তে গেল ? তা হবে না কেন ? তোরা এখন সব কলিকালের মেয়ে কি মা ।

নৃত্য । কেন জেঠাইমা, আমরা কলিকালের মেয়ে কেন ।

একেই কি বলে সভা

গৃহিণী। আর তোরা দেখচি একবারে কতকটা সজ্জার হয়ে পড়ে-
চিস। ভাগ্যে আজ নব বাতী বেই, তা হলে তো সে এতক
শুভে আসতো।

প্রসন্ন। ই্যা মা, দাদা আজ কোথায় গেছেন মা ?

গৃহিণী। ঐ যে রামমোহন রায়—না—কার কি সভা আছে—?

কমল। ছোটদাদা কি তবে তাঁর জ্ঞানতরঙ্গিণী সভায়
গেছেন ?

হর। (জনান্তিকে প্রসন্নের প্রতি) তবেই হয়েছে ! ও ঠাকুরঝি,
আজ দেখচি, তোর ভারি আহ্লাদের দিন ! দেখ, হয় তো তোর
দাদা আজ আবার এসে তোকে নিয়ে সেই রকম রঙ্গ বাধায় !

গৃহিণী। বউ মা কি বলছে, প্রসন্ন ?

নেপথ্যে। ও বেমোল, মা ঠাকুরঝি কোথায় গো ? কতটা মশায়
টেকখানা থেকে উঠেছেন।

গৃহিণী। তবে আমি যাই, তোরা মা বিছানা করে শীঘ্র নীচে
আয়।

[পুস্থান।

হর। (সহাস্ত্র বদনে) ও ঠাকুরঝি ? বল না রে সে দিন তোর
ভাই কি করেছিল ?

প্রসন্ন। আ., ছি।

নৃত্য। কেন, কেন, কি করেছিল ? বল না কেন, ভাই ?

হর। (সহাস্ত্র বদনে) বল না ঠাকুরঝি ?

প্রসন্ন। না, ভাই, তুই যদি আমাকে এত বিরক্ত করিস, তবে
এই আমি চল্লেম।

নৃত্য। কেন ? বল না কি হয়েছিল। ও ছোট বউ, তা তুই ভাই
বল।

হর। তরে বলবো ? সে দিন বাবু জ্ঞানতরঙ্গিণী সভা থেকে

কিরে এসে ঠাকুরঝিকে দেখেই অমনি ঘরে ওর গালে একটা চুমো খেলেন; ঠাকুরঝি তো ভাই পালার জন্যে ব্যস্ত, তা তিনি বললেন যে কেন? এতে দোষ কি? সারেরবা যে বোনের গালে চুমো খায়, আর আমরা কল্লেই কি দোষ হয়?

প্রসন্ন। ছি, যাও মেনে, বউ।

নৃত্য। ও মা, ছি! ইংরিজী পড়লে কি লোক এত বেহায়া হয় গা।

হর। আরও শোন না, আবার বাবু বলেন কি?—

প্রসন্ন। তোর দাদা মদ খেয়ে কি করে লো?

হর। কেন ভাই, সে জ্ঞানতরঙ্গিনী সভাতেও যায় না, আর বনের গায়েও হাত দেয় না, আর যা ককক, সে মাহউক ঠাকুরঝি, তুই ভাই তোর দাদাকে নে না কেন? আমি না হয় বাপের বাড়ী গিয়ে থাকি; তোর ভাতার তো তাকে একবার মনেও করে না। তা নে, তুই ভাই, তোর দাদাকে নে।

প্রসন্ন। ই্যা, আর তুই গিয়ে তোর দাদাকে নে থাক্।

নেপথ্যে। ছোড় দেও হামকে।

নেপথ্যে। তোমার পায়ে পড়ি, দাদাবাবু, এত চেষ্টায় কথা করে না, কত মশায় ঐ ঘরে ভাত খাচ্ছেন।

নেপথ্যে। ডেম কত মশায়! আমি কি কারো তক্ক রাখি?

কমলা। ঐ যে ছোটদাদা আসছেন।

নৃত্য। আর, ভাই, আমরা লুকিয়ে একটু ভাঙ্গা দেখি।

হর। (দীর্ঘনিশ্বাস পরিত্যাগ করিয়া) না ভাই, আমার আর ওসব ভাল লাগে না। আঃ, সমস্ত রাতটা যুগ থেকে পঁয়াজ আর মদের গন্ধ ভক্ ভক্ করে বেরোবে এখন, আর এমন নাক্ ডাকুনি—বোধ করি মরা মানুষও শুন্লে জেগে উঠে! ছি!

কমলা। আর লো আর। (সকলের গুণ্ডভাবে অবস্থিতি)।

(নব বাবুকে লইয়া বৈদ্যনাথের পূবেশ) ।

নব । (প্রমত্তভাবে) বোদে—মাই ওড কেলো—তোঁকে
আমি রিকরন্ কতো চাই । তুই বুঝলি ?

বোদে । যে আজে ।

নব । বোদে,—একটা বিয়ার—না, ঐ ব্রাণ্ডি ল্যাও ।

বৈদ্য । যে আজে, আপনি যেয়ে ঐ বিছানায় বসুন । আমি
ব্রাণ্ডি এনে দিচ্ছি । (স্বগত) দাদাবাবু যদি শীঘ্র ঘুমিয়ে না পড়ে,
তবেই দেখছি আজ একটা কাণ্ড হবে এখন । কতটা এঁকে এমন
দেখলে কি আর কিছু বাকী রাখবেন ।

নব । (শয্যোপরি উপবিষ্ট হইয়া) ল্যাও—ব্রাণ্ডি ল্যাও—
জলদি ।

বৈদ্য । আজে, এই যাই ।

[প্রস্থান ।

নব । (স্বগত) ড্যাম কতটা—ওল্ড ফুল আর কদিন বাঁচবে ?
আমি প্রাণ থাকতে এমতা কখনই এবলিশ কর্তে পারবো না ।
বুড়ো একবার চখ বুজলে হয়, তা হলে আর আমাকে কোন্
শালার সাধ্য যে কিছু বলতে পাবে ? হা, হা হা, ওন্ট আট এঞ্জর
মিসেল্ফ ? (উচ্চস্বরে) ল্যাও—মদ্ ল্যাও ।

হর । (কিঞ্চিৎ অগ্রসর হইয়া) কি সর্কনাশ । ওলো
ঠাকুরঝি—

প্রসন্ন । (ঐ) কি ?

হর । ঐ দেখচিস্, কতটা ঠাকুরনের ঘরে তাত খেতে বসেছেন ।

প্রসন্ন । তা আমি কি করবো ?

হর । তুই, তাই, কাছে গিয়ে তোর দাদাকে চুপ্ করতে
বল না ।

প্রসন্ন । (সতরে) ওমা, তা তো ভাই আমি পারবো না ।

হর । (সহাস্র বদনে) আঃ, তার দোষ কি ? তুই তো ভাই
আর কচি মেয়েটী নোস, যে বেটাছেলের মুখ দেখলে ডরাবি ?
যানাল ।

নব । ল্যাও— মদ ল্যাও ।

হর । ওমা ? কি সর্বনাশ ! (অগ্রসর হইয়া) কর কি ? কর্ত্ত
বাড়ীর ভেতরে ভাত্ খাচ্ছেন, তা জান ?

নব । (মচকি) একি ? পরোধরী যে ? আরে এসো,
এসো । এ অভাজনকে কি ভাই তুমি এত ভাল বাস, যে এরজন্যে
ক্লেশ স্বীকার করে এত রাতে এই নিরুঞ্জ বনে এসেছ—হা, হা, হা,
এসো, এসো । (গাত্ত্রোথান) ।

হর । ও ঠাকুবঝি, কি বক্চে বুঝতে পারিস্ ভাই ?

প্রসন্ন । (সহাস্র বদনে) ও, ভাই, তোদের কথা, আমি আর
ওর কি বুঝবে ।

নব । (পরিভ্রমণ করিতে করিতে) এসে ভাই, আমি তোমার
ডেম্ভ সেভ্ । এসে— (ছুতলে পতন) ।

হর, প্রসন্ন, ইত্যাদি । (অগ্রসর হইয়া) ওমা, একি হলো ?
(ক্রন্দন) ।

নেপথ্যে । কেন, কেন, কি হয়েছে ?

(গৃহিণীর পুনঃ প্রবেশ) ।

গৃহিণী । (নবকুমারকে অবলোকন করিয়া) একি, একি ?
এ আমার সোণার চাঁদ যে মাটিতে গড়াচ্ছে ? ওমা, কি হলো !
(ক্রন্দন করিতে করিতে) ওঠো বাবা, ওঠো । ওমা, আমার কি
হলো ! ওমা, আমার কি হলো ! ও প্রসন্ন, তুই ওঁকে একবার
শীঘ্র ডেকে আন্ত লা । (প্রসন্নের প্রস্থান) ওমা, ওমা, আমার
কি হলো ! (ক্রন্দন) ।

মৃত্যু। উঃ, জেঠাই যা, দেখ, দাদার মুখদিয়ে কেমন একটা বদগন্ধ বেরুচ্ছে।

গৃহিণী। উঃ, ছি ! তাইতো লো। ওমা, একি সর্বনাশ ! আমার ছুধের বাছাকে কি কেউ বিষ্টিবুখাইয়ে দিয়েছে না কি ? ওমা, আমার কি হবে ! (ক্রন্দন)।

(প্রসন্নের সহিত কর্তার প্রবেশ)।

কর্তা। একি ?

গৃহিণী। এই দেখ, আমার নব কেমন হয়ে পড়েছে। ওমা, আমার কি হবে !

কর্তা। (অবলোকন করিয়া সরোষে) কি সর্বনাশ, রাধেকৃষ্ণ ! হা ছুরাচার ! হা নবাধম ! হা কুলদ্বন্দ্ব !

গৃহিণী। (সরোষে) একি ? বুড়ে হলে লোক পাগল হয় না কি ? যাও, তুমি আমার মোনার নবকে অমন কন্যে বক্চো কেন ?

কর্তা। (সরোষে) মোনার নব ! হ্যা ! ওকে যখন প্রসব কনোছিলে, তখন চুন্ খাইয়ে মেরে ফেলাতে পার নি ?

নব। হিবব, শিবব, ছনে।

গৃহিণী। ওমা, আমার কি হলে ! এমন এলে। মেলো বক্চে কেন ? ওমা, হেলেটিকে তো ভূতে টুতে পার নি।

কর্তা। তোমার কি কিছুমাত্র জ্ঞান নাই ? তুমি কি দেখতে পাচ্চ না যে ও লজ্জীছাড়া মাতাল হয়েছে !

নব। হিরর, হিরর।

কর্তা। (সরোষে) চুপ্, বেহারা, তোর কি কিছুমাত্র লজ্জা নাই ?

নব। ডাম লজ্জা, মদ্ ল্যাও।

কর্তা। শুল্লে তো !

গৃহিণী। ওমা, আমার এ ছুধের বাছাকে এসব্ কে গোখালে গা ?

কর্তা। আর শেখাবে কে ? এ কলকাতা মহাশায়ী নগর—কলিকাতা
রাঁজধানী, এখানে কি কোন উচ্চ লোকের বসতি করা উচিত ?

গৃহিণী। ওমা, তাইতো, এত কে জানে, মা ?

কর্তা। কাল প্রাতেই আমি তোমাদের সকলকে সঙ্গে নিয়ে
জীহুন্দাবনে যাত্রা করবো ! এ লক্ষ্মীচাঁড়াকে আর এখানে রেখে
কাজ নেই। চল, এখন আমরা যাই। এ বানবটা একটু ঘুমুক—
নব। হিরর, হিরর, আই সেকেণ্ড দি বেঞ্জোলুসন।

কর্তা। হার আমার বংশেও এমন কলকাতাব জন্মেছিল ?

গৃহিণী। ও প্রসন্ন, ও কমলা, ওলো। তোমা মা এখানে একটু
থেকে আর।

[কর্তা এবং গৃহিণীর প্রস্থান।

হর। (অগ্রসর হইয়া) ও ঠাকুরঝি, এই তাই তোমার দাদার
দশা দেখ্। হায, এই কলকাতায় যে আজ্ কাল কত অভাগা
স্ত্রী আমার মতন এককপ বস্ত্রনা ভোগ কবে তার সীমা নাই। হে
বিধাতা ! তুমি আমাদের উপর এত বাঘ হলে কেন ?

প্রসন্ন। তা এ আন্ধ আর নতুন দেখিলি না কি ? জ্ঞান তরঙ্গিণী
সত্যতে এই রকম জ্ঞানই হয়ে থাকে।

হর। তা বই আর কি তাই ? আজ্ কাল কলকাতায় বাঁরা
লেখা পড়া শেখেন, তাঁদের মধ্যে অনেকেরই কেবল এই জ্ঞানটি
ভাল জন্মে। তা তাই দেখ্ দেখি, এমন স্বামী থাকলিই বা কি আর
না থাকলিই বা কি। ঠাকুরঝি। তোকে বলতে কি তাই, এই সব
দেখে শুনে আমার ইচ্ছে করে যে গলায় দড়ি দে মরি। (দীর্ঘ-
নিশ্বাস) হি, হি, হি ! (চিন্তা করিয়া) যেহায়ায় আবার বলে কি
যে আমরা মারেবদের মতক ভীতি হুমাচি। হা আমার পেঁতা,
কখনো ! বদ্ মান, কখনো, কখনো, কখনো, কখনো কি সত্য হয় ?—একের
কি বলে সত্যতা ?



